



OIS  
YAMAC  
HI

PROFESSORIP  
SULIASSAI



Naussunguaq Lyberth

# IKORFARTORTIT

Kommuneqarfik Sermersuumi meeqqanut immikkut pisariaqartitsisunik arlalinnik peqarpoq. Meeqquerivimmi (børn 3-5-inik ukiullit) atuareernerullu kingorna ornittakkani (meeqqat, atuareernerup kingorna ornittagaat, ualikkut ikorfartorteqartarput).

Meeqqat ikorfartorteqarnissamut piumasaqaatit naammassisimappatigit angajoqqaallu atsiorsimappata meeraq sapaatip akunneranut nalunaaquttap akunneri 40-t ikorfartortilerneqassaaq.

Amerlanertigut ikorfartorti ilinniagaqarsimasuusannigilaq, amerlanertigulli inimi perorsaasup ikorfartorti meeraq pillugu iliuusissatut pilersaarusionerani ikiortarpaa, taassumalu kingorna coachesinnaallugu.

Meeqqeriviit atuarfimmi neqerooruteqartarnermi fagchefip ataaniipput, atuartullu atuarfinnut fagchefip ataaniillutik.

Atuarfeqarnermut tunngasunut fagchefi oqaloqatigereerpara Loisp ikorfartorti perorsaanermi iliuusissatut pilersaarusionerani angajoqqaallu peqatigalugit

iliuusissatut pilersaarutip aallartisarnerani suleqataasinnaasoq, atortussat sanallugit ikorfartortinullu isumasioqatigiinnermik pisariaqartitsisoqarpat ingerlatsisinnaalluni. Tassani misissuinermi atortussat MIIM 3 MIIM 5-imilu ilanngunneqassallutik.

Lois aallareernerata kingorna qanoq ingerlaqqissanersut pilersaarusiortoqassaaq, kiisalu nalunaarusiornissamut ilaatigullu misissuinissamut pilersaarusiorneq.

Ikorfartortit amerlanerit tuluttoorsinnaannginnerat unammillernassaaq, isumasioqatigiinnermilu oqalutseqassalluta.

# TUNNGAVIIT 1-7

Maannamut paaqqinnittarfiup ataatsip (meeraaqqat 36-t, 0-3-nik ukiullit, meeqqat meeqqerivimmiittartut 20-t, 3-5-inik ukiullit, Perorsaanikkut Tunngaviit atorpaat. Sulisut ilaat kiisalu aqutsisoq pikkorissaqataareerput. Pilersaaruserput Tunngaviit 1-imiit 7-imut paaqqinnittarfinni perorsaanikkut qanoq sammisanut anguniagaqartunut imaqarluartunullu atorneqassanersut.

Ilinniartitaanermut Aqutsisoqarfik isumaqatiginninniaqatigissavarput sulisunut pikkorissartitsissasut coachertitsillutillu.

Tunngaviit ilaasa atornissaannut Lois nakkutiginnitsikkusuppara, aqutsisorlu peqatigalugu pilersaaruserlunga qanoq Tunngaviit paasineqarnissaannut pitsanngorsaasoqarsinnaasoq qanorlu atorneqassanersut. Paaqqinnittarfinni inerisaanermi suliniutinik ilisimatusarnerit atorneqarsinnaaneri eqqarsaatigaara. Tassani sulisut ataatsimiinnerini oqallittoqarsinnaalluni.

paaqqinnittarfiit allat anguniagaqarlutik imaqarluartunik sammisaqarnerminni

Tunngavinnik (1-2) taamatut atuisinnaanerinut periarfissaqarpoq.

Naliliinissamut coachertitsikkusuppunga perorsaanikkut iliuuseqarnermi pitsanngorsaaneq takorusullugu.

AC Fuldmægtigit suleqatigalugit tamanna ingerlanneqarsinnaavoq.

# AQUTSISUT PEROORSAANIKKUT AQUTSINISSAANNUT QANOQ IKORFARTUINISSANNUT PILERSAARUSIUSSAANGA

Aqutsisut tamaasa oqaloqatigalugit aallartereerpunga. Paaqqinnittarfimminni anguniagassaliussasut kissaatigaara. Ukiormanna pingaartitanik pingasunik nassaarnissaannik piumaffigaakka, perorsaariaaserlu sorleq atorniarneraat kiisalu ukiup tullianut anguniakkatik qanoq anguniarneraat.

Suliniutiniq ilisimatusarnerit aqutigalugit aqutsisut tapersorsorneqarsinnaaneri takorloorpara. Taamaattumik Lois suliniutiniq ilisimatusarnerup suunera perorsaanikkut siunnersortinut pingasunut saqqummiusseqquara, taakkualu peqatigalugit paaqqinnittarfimmini iliuuseqarnissamut pilersaarummik nakkutigisassaminnik ikinnerpaamik ataatsimik sanassasut, neriullunga paaqqinnittarfiit allat aqutsisui aamma taamaaliussasut.



# AC FULDMÆGTIGIT NAUSSUNNGUULLU COACHII

Suliniutit assigiinngitsut ingerlappakka, taakkunanilu qanoq suliniutip matuma angunissaanut coacherneqarusuppunga, immaqalu AC Fuldmægtigit suleqatigalugit paasisanik katersillunga suliaralugillu, aammalu suliaannik suliassaannillu uppernarsaasiorluta.

Assersuutigalugu paasisat sorliit katersorlugit paaqqinnittarfiit naliliiffigissavagut, qanoq ililluta misissueqqissaassaagut paasisallu nutaat aallaavigalugit nutaanik suliniutinik aallartitsilluta.

# NUUP AVATAANI

Loisip angalanermut aningaasartuutai ineqarneralu matususersinnaagutsigu pitsaassaqaq ingerlaannaq Nuummi ikorfartortinut saqqummiussinermisut saqqummiussisinnaappat. Tamatumuuna Tasiilaq Pamiullu eqqarsaatigaakka.

# SULEQATIGIINNERMUT SINAAKKUTISSAT

Kommuneqarfik Sermersuup Loisip angalaneranut aningaasartuutit aningaasarsiaqarneralu matussusersinnaangilaat. Nammineerluni USA-p Namminersorlutillu Oqartussat Igalikumi isumaqatigiissutaat aqqutigalugu amerikamiut aallartitaqarfiannut qinnuteqassaaq.

Nummiinnermi najugaqarfissaa: Nummi inissarsiorneq ilungersunartuuvoq taamaattumik Naussunguaq Lyberthip neqeroorutigaa Lois akeqanngitsumik imminermi ineeqqami najugaqarsinnaasoq, kiisalu illu angerlarsimaffimmisut atorsinnaallugu.

# LOISIP TIKINNGINNERANI SUNA PIAREERSARNEQASSAVA

Paaqqinnittarfinnik Loisp suleqatigisassaanik isumaqatigiissusiorneq.  
(maannakkumut ataatsimik akuersisoqarnikuuvoq).

Nuummi qanoq amerlatigisunik ikorfartorteqarnerisugut paasinierneqassaaq,  
kiisalu angajoqqaat ikorfartorti suleqatigalugit meeqqamut iliuusissamik  
pilersaarusiornissamut isumaqatigiissusioqatigineqassapput.

Tamatumuuna Loisp angajoqqaani allaffigissavai, nutserteriarlugulu

agguaakkumaarparput.

Lois amerikamiut aallartitaqarfiannut aningaasartuutimi matussusernissaannut qinnuteqassaaq, uagut angalanera aningaasartuutaasinnaasullu allat akilersinnaannginnatsigit.